

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 098034 23 K
Visoko, 25.03.2024. godine

U IME FEDERACIJE BOSNE I HERCEGOVINE

Općinski sud u Visokom, sudija Miroslav Savić, uz učešće zapisničara Azre Karasalihović, u krivičnom predmetu protiv optuženog K.L., zbog krivičnog djela nasilje u porodici iz člana 222. stav 4. u vezi sa stavom 2. a sve u vezi sa članom 55. KZ FBiH, rješavajući po optužnici T04 0 KT 0052341 23 od 08.06.2023. godine, nakon glavnog pretresa održanog dana 18.03.2024. godine u prisustvu kantonalnog tužioca Dragiše Pandurevića, te optuženog K.L. i njegovog branioca donio, a dana 22.03.2024. godine, javno objavio sljedeću:

P R E S U D U

OPTUŽENI K.L. sin F. i majke F. rođene H., rođen ... godine u V., gdje je i nastanjen u ulici R. broj ..., pismen, sa završenom SSS, po zanimanju elektrotehničar, razveden, srednjeg imovnog stanja, po narodnosti Bošnjak, državljanin BiH, JMB: ..., osuđivan presudom Općinskog suda u Kaknju broj: 36 0 K 053087 21 K od 26.08.2021. godine za krivično djelo iz člana 183. stav 1. KZ F BiH na kaznu zatvora u trajanju od 3 mjeseca uslovno 1 godina,

KRIV JE što je:

Tačno neutvrđenog dana u decembru mjesecu 2022. godine i januaru mjesecu 2023. godine, u V., ulici R. broj ..., u porodičnoj kući u kojoj živi u zajedničkom kućanstvu sa oštećenom mlđb.1. više puta vršio fizičko i psihičko nasilje nad oštećenom, svjestan da će takvim nasiljem ugroziti mir, psihičko zdravlje i tjelesnu cjelovitost oštećene, što je i htio, na način da je istu udario kaišem po nogama, briferom i nožem bocnuo u predjelu nogu, tokom noći budio i tražio da mu napravi večeru, govorio pogrdne riječi, u prisustvu oštećene pušio džoint i istoj davao da i ona to proba,

dakle, da bi nasiljem ugrozio mir, tjelesnu cjelovitost i psihičko zdravlje mlđb. člana svoje porodice s kojim živi u zajedničkom kućanstvu,

čime je počinio krivično djelo Nasilje u porodici iz člana 222. stav 4. u vezi sa stavom 2. i članom 55. KZ F BiH.

Pa sud optuženog na osnovu člana 42., 43. i 49. KZ FBiH:

OSUĐUJE NA

KAZNU ZATVORA U TRAJANJU OD 1 /JEDNE/ GODINE I 2 /DVA/ / MJESECA

Na osnovu člana 202. stav 4. u vezi sa članom 199. stav 2. tačka g) ZKP FBiH, troškovi krivičnog postupka padaju na teret budžetskih sredstava.

Obrazloženje

Kantonalno tužilaštvo Zeničko-dobojskog kantona Zenica je optužnicom broj T04 0 KT 0052341 23 od 08.06.2023. godine, optužilo K.L. da je radnjama opisanim u izreci presude počinio produženo krivično djelo nasilje u porodici iz člana 222. stav 4. u vezi sa stavom 2. a sve u vezi člana 55. KZ FBiH. Na ročištu za izjašnjenje o krivici optuženi se izjasnio da nije kriv, nakon čega je predmet dostavljen sudiji radi zakazivanja glavnog pretresa.

U uvodnom izlaganju, nakon čitanja optužnice i uvodnih riječi kantonalnog tužioca, branilac i optuženi su saglasno izjavili da optuženi mijenja raniju izjavu i u cjelosti priznaje izvršenje krivičnog djela koje mu se stavlja na teret te su u cjelosti tačni navodi iz optužnice.

S obzirom da je optuženi u cjelosti priznao izvršenje krivičnog djela sud je u nastavku glavnog pretresa, a u smislu člana 280. ZKP FBiH, izvršio uvid u materijalne dokaze tužilaštva i to: - rješenje Općinskog suda u Visokom broj: 41 0 Pr 096472 12 Pr od 21.02.2023. godine, medicinska dokumentacija na ime K.L. JU Kantonalna bolnica Zenica, Odjel psihijatrije (istorija bolesti broj: 181/23, 286/18, 695/18), specijalistički nalaz JU Dom zdravlja Visoko, Hitna medicinska pomoć na ime K.L. od 20.02.2023. godine, dopis JU Dom zdravlja Visoko broj: 01-1024/23 od 28.03.2023. godine sa prilogom Izvod iz medicinske dokumentacije broj: 01-1004/23 od 24.03.2023. godine na ime K.L., izvod iz kaznene evidencije za osumnjičenog K.L. PS Visoko broj: 08-02-09/1-interno/23 od 21.02.2023. godine, troškovnik KT ZDK od 08.06.2023. godine, zapisnik o saslušanju svjedoka P.-H. Dž. PS Visoko broj: 08-02-09/1-241/23 od 27.03.2023. godine, zapisnik o saslušanju svjedoka H.I. PS Visoko broj: 08-02-09/1-240/23 od 27.03.2023. godine, zapisnik o saslušanju svjedoka H.B. Kantonalno tužilaštvo ZDK Zenica broj: T04 0 KT 0052341 23 od 19.04.2023. godine, zapisnik o saslušanju svjedoka H.B. PS Visoko broj: 08-02-09/1-151/23 od 20.02.2023. godine, zapisnik o saslušanju maloljetnog svjedoka sa snimanjem Kantonalno tužilaštvo ZDK Zenica broj: T04 0 KT 0052341 23 od 19.04.2023. godine, transkript zapisnika o saslušanju mlđb.1. Kantonalno tužilaštvo ZDK Zenica broj: T04 0 KT 0052341 23 od 19.04.2023. godine Nalaz psihijatrijskog vještačenja od 01.06.2023.godine

Nakon što je izvršen uvid u naprijed navedene dokaze sud je ustanovio da je priznanje optuženog na glavnom pretresu potpuno i u skladu sa dokazima, kao i da je optuženi svjestan posljedica priznanja krivice, te da je do priznanja došlo dobrovoljno svjesno i sa razumijevanjem, pa je izjava prihvaćena. Da je optuženi počinio krivično djelo koje mu se optužnicom stavlja na teret potvrđuju dokazi u koje je sud izvršio uvid tokom glavnog pretresa.

Uzimajući u obzir navode optuženog, kao i dokaze izvedene na glavnom pretresu, van svake razumne sumnje utvrđeno je da je optuženi počinio krivično djelo na način kako mu se to stavlja na teret.

U toku postupka nije utvrđeno postojanje okolnosti na strani optuženog koje bi isključivale ili bitno umanjivale njegovu računljivost, te je sud zaključio da je bio svjestan svog djela i htio njegovo izvršenje, čime je postupao sa direktnim umišljajem, pa ga je sud oglasio krivim.

U završnoj riječi kantonalni tužilac je predložio da sud optuženog oglasi krivim i izrekne mu sankciju u skladu sa zakonom uzimajući u obzir sve olakšavajuće i otežavajuće okolnosti.

Branilac optuženog je u završnom izlaganju naveo uzimajući da je na strani optuženog kao olakšavajuća okolnost I da se isti ima smatrati neosuđivanom osobom budući da mu je ranija osuda trebala biti brisana, zatim da je okrivljeni osoba lošeg imovnog stanja, te da je u trenutku izvršenja krivičnog djela bio u stanju smanjenje uračunljivosti.

Uvidom u izvod iz kaznene evidencije za optuženog sud je utvrdio da je isti ranije osuđivan Presudom općinskog suda u Kaknju broj 36 0 K 053087 21 K od 26.08.2021. godine, a koja je postala pravosnažna sa danom 21.09.2021. godine, zbog krivičnog djela ugrožavanje sigurnosti iz člana 183. stav 1. KZ FBiH za koje mu je utvrđena kazna zatvora u trajanju od 3 mjeseca sa vremenom provjeravanja od 1 godine.

Prilikom odmjeravanja krivičnopravne sankcije, sud je imao u vidu osnovne kriterijume, a to su granice kazne propisane za predmetno krivično djelo, svrha kažnjavanja, te okolnosti koje karakterišu počinjeno krivično djelo i učinioca (olakšavajuće i otežavajuće okolnosti), i to: stepen krivice, pobude iz kojih je djelo učinjeno, jačina ugrožavanja ili povrede zaštićenog dobra, okolnosti pod kojima je djelo učinjeno, raniji život učinioca, njegove lične prilike i njegovo držanje nakon učinjenog krivičnog djela, kao i druge okolnosti koje se odnose na učinioca (iz člana 49. KZ F BiH).

Prilikom izbora i odmjeravanja krivičnopravne sankcije sud je uzeo u obzir ličnost učinioca, njegov raniji život, njegovo ponašanje poslije učinjenog krivičnog djela i stepen krivice. Pri tome, sud je od otežavajućih okolnosti cijenio raniju osuđivanost optuženog, a što je utvrđeno uvidom u Izvod iz kaznene evidencije iz kojeg proizilazi da je ranije osuđivan zbog ugrožavanje sigurnosti iz člana 183. stav 1. KZ FBiH za koje mu je izrečena uslovna osuda. Navod branioca optuženog da se radi o osudi u pogledu koje su se stekli uslovi za brisanje nije osnovan s obzirom da je optuženi krivično djelo koje je predmet ovog postupka počinio tokom decembra 2022. godine i januara 2023. godine, dok je presuda općinskog suda u Kaknju broj 36 0 K 053087 21 K postala pravosnažna dana 21.09.2022. godine. Dakle, optuženi je u godini uslijedila nakon isteka vremena provjeravanja počinio novo krivično djelo čime nisu ispunjeni uslovi za brisanje uslovne osude propisani u članu 125. KZ FBiH stav 1. tačka b). Nasuprot tome, od olakšavajućih okolnosti sud je cijenio priznanje optuženog u ranoj fazi krivičnog postupka priznao izvršenje krivičnog djela čime je doprineo brzom i efikasnom završetku krivičnog postupka, te činjenicu da je u trenutku izvršenja krivičnog djela bio u stanju smanjene uračunljivosti ali ne bitno. Činjenicu da je optuženi je optuženi lošeg imovnog stanja, te bolest brata i majke, sud nije uzeo u obzir kao olakšavajuću s obzirom da ista ne može predstavljati olakšavajuću okolnost s obzirom da je optuženi počinio krivično djelo protiv braka, porodice i mladeži. Imajući u vidu sve navedeno, kao i zakonom propisani posebni minimum i maksimum kazne zapriječene za konkretno krivično djelo, sud je zaključio da je kazna zatvora u trajanju od jedne godine i dva mjeseca adekvatna i da će se istom postići ciljevi specijalne i generalne prevencije. Sud cijeni da će ovako odmjerena kazna zatvora uticati na optuženog da u budućnosti ne čini krivična djela i da će pozitivno djelovati u cilju njenog prevaspitanja. Ova kazna preventivno djelovati i na druge da poštuju pravni sistem i ne čine krivična djela, čime će biti ostvareni ciljevi specijalne i generalne prevencije, te na taj način ostvariti svrha kažnjavanja. Po ocjeni suda izricanje kazne zatvora trajanju navedenom je nužno jer je očigledno da ranija osuda nije uticala na optuženog u njegovom prevaspitavanju i suzdržavanju od činjenja krivičnih djela.

Primjenom člana 202. stav 4. u vezi sa članom 199. stav 2. tačka g) ZKP FBiH, sud je odlučio troškovi krivičnog postupka padaju na teret budžetskih sredstava.

Zapisničar
Azra Karasalihović

Sudija
Miroslav Savić

POUKA O PRAVU NA ŽALBU:

Protiv ove presude može se izjaviti žalba Kantonalnom sudu u Zenici u roku od 15 (petnaest) dana od dana prijema prijepisa presude.